





永樂大典卷之七千三百二十九

十八陽

郎

詩文

宋陳造江湖長翁集送程總郎序情之有欣戚多失其正奚而失私怵之也私克於理理徹於思理之思奚其失余仕于房

房窮山也九華伯適帥襄陽捨公無孰何者戊午孟春之中澣客以公移奉使淮東告聞之屏營不懌久之乃大尉喜且自咎僕於公受察者顧客我且振拂我且詩盟文社伯仲我一旦爲吳楚之間能無戚然然公天下士當爲天下用借五細於外猶未爲得其所今京口國北門控制淮江臺軍雲屯盡護諸將宜得博碩通敏之士君相舉而畀之公意其在指呼豪傑殄垂斃之驍虜撥有指之故疆歸爲丹地黃閭之遊均福四方端自今日始與其私惠於一隅孰若兼濟於遠邇于是之思故余欣然於心然則欣然戚然之情得其正若失之不待辨已戚然者私而欣然者公私者計一已公者本天下理然也雖然公知我甚深于其出處顯晦憐我甚至繼此借筋之便聚米之餘玉立上前舜都臯謨將曰臣有容惜老矣外悻



而中甚腴。其文筆窺兩都。其論事如嚴徐。其忍窮自重。踞風整之於菟。人目以楚狂。臣知非酒徒。君相有未知爾。其肯使之侶漁樵。死泥塗乎。至此則我之所以利賴者何如也。其欣然者。又將不貲。予其宿春以須。公行有日。因道其戚且欣。不齊齊之者。為天下賀。為公道尉。而為送公序。元何中

**學集送吳省郎序** 元受景命。際天所覆。帝王之所未嘗統一者。莫不湛恩洽靈。至德融暢。然而地大以遐。故必分建省藩。鎮奠柔馭。厯臣碩輔。節鉞交炳。密和天緯。丕翊皇綱。其宏規遠模。絕出漢唐者。其勢然也。是以下而掾屬。亦必其可與經體贊元者。然後辟置。夫豈徒若石洪溫造。區區從事。兼爾河陽者哉。上饒吳肯堂。學稔而才高。嘗歷校官。踐帥幕。廼簿領。茲邑始至。健決事。吏民靡服。遂究民瘼。次第力請于上官。以為邑人悠久之利。將成而陞華省闈。令嚴期迫。浩不可留。邑之耄倪。以史君既去為憂。皆相顧歎息。嗚呼。孰知史君之位愈高。其所及者愈遠。而茲邑固在其間也。若憂且歎。果何為哉。於是相率為歌詩。以饒史君之行。以繫邑人之思云。廬江何中之辭曰。秋風剌剌。芳秋雲稀。佳期倏而至。芳征馬頻嘶。結桂枝。以為芳芳。覽芙蓉。以為秀。嗟余溪之清且淺。芳寧不可以回君之首。太微芳郎星。扇皇風。芳揚天明。槐陰退食。芳高堂燕喜。儼西山。其蒼蒼芳倚江流。

而長峙。**縉紳淵源**。余日華賀湖廣陳總郎劄。竊以。向春之末。迎夏之陽。共惟其官。六轡星輝。百城風竦。穹示贊襄。台候起居。萬福其謹熏被具。躩赫仰干。籤度伏。勻熏慈原宥。其仰惟間氣所鍾。興運所關。清明在躬。太極合德。寒燠燥濕之變。曷能侵寇。視履攸祥。勿問元吉。然屬隸愛助。不能自已。敢更以勺遵璣瑄。申衛七茵。卷卷為誓。御者請其共審。妙東淵衷。肅將隆指。方觀風而問俗。爰消日以建臺。九隸按澄。率增扞蹈。其分符江介。託蔭方新。束縛官常。未由進拜。輒控悃幅。牽課駢儷。弄斧班門。岩電是瀆。惟是言詞拙澁。不足歌頌盛美之萬一。切幸矜念。其恭以其官。學古而淵深。通今而敏劭。蚤結隆眷。凌厲亨衢。內而樞屬星郎。外而虎符龍節。聲名事業。炳如丹青。必待駕空談。而枚數之。則所以事門下者。抑薄矣。善乎歐陽子之頌韓公曰。惟德被生民。功施社稷。以耀後世。而垂無窮。此公之志。而士亦以此望公也。後之能擺落時好。而以歐陽子之頌韓公者。望其人。亦庶乎知言矣。其不佞。請自隗始。其嘗謂世之極賤。甚愚。無若奴隸。至於青天白日。則曉然皆知其清明。矧冠負屨。方隨牒南北。于今有年矣。當代有名公鉅卿。以正學振斯文。以清猷結主眷。用舍進退。不以一毫介乎其心。若門下之超卓乎薦紳間者。又豈直天日之清明而已哉。其雖愚安肯



自處於奴隸後。其銓槩晚生。自知甚白。冒昧乘障。實不自量。雖天隕幸。宿世有遭。遂獲仰承。慶雲光覆。循頂及踵。顧奚適而非感荷者。尋易大不。及斗。費力則百他州。其效官云始。適值歉歲。幾若不可一朝以居。策蹇磨。鈍。閱勉夙夜。所幸兵民相安。牒訴滋簡。上供送使。僅免闕違。課虛責有。偶。逃吏誹。悅時愒日。閱月十周。鼠技已窮。思不勝任。門下夙嘗通刺。是郡遺。愛依然。興念舊游。嘉善而矜不能。曲垂覆護。庶幾末路。不玷于危。其帥爾。陳誠。罪當萬生。其進越皇恐頓首端拜申敬。瀛庭珠斗聯珞之眷。並惟。天胙釐瓊。載燕載寧。文壘恐有駟冊事件。願奉刊誨。毋敢不共。回前四。川劉總郎。伏以。素商閨序。金風兆涼。共惟某官。對越清渥。問望益昭。堪。興孚佑。台候動止。萬福。其。僚瞻道誼。圭齋婁周。如日星之麗天。可望而不。可近。尊仰真切。相存鑒寐。向貢竿尺。控謝隆施。塵冗空集。缺於嗣詞。第切。愧慙。猶恃融察。敢意謙挹。復枉華緘。五雲流光。輝映心目。琅誦欣暢。感悚。交懷。恭審顯膺異渥。榮復穹階。舊物青氈。從天而下。清名峻節。逐日以新。成命一敷。善類交慶。仰惟某官。剛直之氣。塞乎宇宙。忠嘉之論。簡于冕旒。休聲丕績。中外騰誦。翩然去國。亦復許時。頃遭變之異常。即奉身而詢。誼。上方一新聖化。旁求哲人。衆正彙征。一賢猶遠。必有誦周南之滯者。休寵。

鼎來。願趨裝以俟。其。過蒙儼章之况。英詞俊語。厥味雋永。口誦耳聽。當暑。脩然。自惟何人。不得當也。已傳副墨。衍襲榮歲。拜賜侈矣。薄遞稟報。屬抱。積制。不如來施之塵。矯首英躔。未筮簷對。伏幾躡眷。兩闡調和六氣。珍視。茵七。趣拜絲綸。晉儀禁林。紳笏均祝。台闕華集。共想珠聯璧合。履此清秋。自天隕祉。申錫無疆。日邊有所委策。切願稟承。賀湖廣陳總郎啓。伏。審。肅奉芝函。載馳華傳。輝光郎宿。歌杜陵寓直之秋。指示使星。對李邵仰。瞻之夕。耄倪翹首。巡覽屬心。共惟某官。氣塞堪輿。學該流畧。措諸事業。妙。三五六經之傳。作為文章。羅二十八宿之秀。出入游膺於妙柬。操修遠邁。於古人。鷺序駕行。徧儀清切。龍英虎節。遠有皇華。果分職於地官。再時糧。於天塹。左洞庭。右彭蠡。跨湖湘。形勢之雄。東夏口。西武昌。覽吳魏興亡之。迹。方整神兵而滅虜。正在總餉之得人。謂師律不嚴。則下無戰心。儻軍儲。不給。則士有飢色。三十鐘而致一石。董驪駕之將輸。百萬師而費千金。裕。轅門之供億。人誦新除之丹詔。上還舊物之青氈。攷諸已試之方。偉哉有。用之學。關中糧不絕于道。甞煩今日之幹旋。制下士相資於朝。行看異時。之勲業。其。孔懷斗仰。為幸星臨。身雖阻於分符。神預馳於掃篲。大賢容衆。門未遂於登龍。小紙為書。屢先馳於賀燕。帡幪所暨。歡喜奚殫。宋劉漫塘。



集賀韓守除總郎啓 吳頭楚尾。課三年保障之功。江表淮壖。總四道營屯之餉。使星所照。郎宿交輝。綸綍初頒。搢紳相賀。某官。英姿霽月。爽氣澄秋。明足以察。而纖翳弗容。勇足以決。而萬牛莫挽。有如邇日。深念疲氓。平斗斛以受輸。已盡掃積年之弊。揮翰墨以垂訓。更曲爲後日之防。汎觀識慮之深長。想見彌綸之密勿。惟兵食之重計。關廊廟之深憂。輓粟飛芻。小試幹旋之妙。簪筆持橐。即歸獻納之班。某幸以衰年。及於寬政。結草圖報。敢自後於邦人。卧轍留行。悵莫趨於道左。聊憑尺素。以寫寸丹。梁何遜集石頭答庾郎詩 高樹蔭樓密。細草綠成被。黃鸝隱葉飛。蛺蝶縈空戲。陰岑自爾悅。寂寥予早寄。想知阻禁闈。何由從簡易。野夕畚孫擢郎詩 山中氣色滿。墟上生烟露。查查星出雲。啾啾雀隱樹。虛館無賓客。幽居乏懽趣。思君意不窮。長如流水注。沈約詩集畬何郎詩 歡戚遞來事。聚散居常理。孰爲膠投漆。忽作弦離矢。形影一東西。山川俄表裏。執手涉梁上。悲心萬端起。方興兒女泣。及此流潮水。明月潭龍女詩贈何郎 坐久風吹綠綺寒。九天月照水精盤。不思却返沉潛去。爲惜春光一夜歡。留別何郎 負妾當時寤寐求。從茲粉面阻綢繆。宮空月苦瑤雲斷。寂寞巴江水自流。唐李義山集征步郎詩 塞外虜塵飛。頻年度磧西。死生隨玉劍。

辛苦向金微。韓冬郎二首 十歲裁詩走馬成。冷灰殘燭動離情。桐花萬里丹山路。鷓鴣清於老鳳聲。劔棧風檣各苦辛。別時冰雪到時春。爲憑何遜休聯句。瘦盡東陽姓沈人。鮑明遠詩吳興黃浦亭庾中郎別 風起洲渚寒。雲上日無輝。連山眇烟霧。長波迥難依。旅鴈方南過。浮客未西歸。已經江海別。復與親眷違。奔景易有窮。離袖安可揮。歡觴爲悲酌。歌服成泣衣。溫念終不渝。藻志遠存追。役人多牽滯。顧路慙奮飛。昧心附遠輸。烟言藏佩韋。韋應物詩奉和張大夫戲示青山郎詩 天生逸世姿。竹馬不曾騎。覽卷水將釋。援毫露欲垂。金貂傳幾葉。玉樹長新枝。榮祿何妨早。甘羅亦小兒。歲時雜詠 五月六日發石頭城步望前船示舍弟兼寄侯郎 客子去淮陽。蹉跎別夢長。水關開夜鑠。霧棹起晨涼。烟月期同賞。風波忽異行。隱沙曾撼檣。轉瀨指遙檣。蒲葉錢刀綠。筠筒楚粽香。因書報思遠。爲我憶檀郎。溫庭筠詩蔡中郎詩 古墳零落野花春。聞說中郎有後身。今日愛才非昔日。枉拋心力作詞人。施肩吾詩望騎馬郎詩 碧蹄新壓步初成。玉色郎君弄影行。賺殺唱歌樓上女。伊州誤作石州聲。白居易長慶集聞揚十二新拜省郎遙以詩賀 文昌新入有光輝。紫界宮牆白粉闌。曉日鷄人傳漏箭。春風侍女護朝衣。雪飄歌句高難和。鶴拂烟霄老慣



飛官職聲名俱入手。近來詩客似君稀。項曾有贈揚詩落句云。不用更教詩遇好。折君官職是聲名。今故云俱入手。**宋鄭獬郎溪集**贈朱省郎詩

蕭灑不羈性。本自出塵埃。棄去萬物累。健翅天地回。白髮朱省郎。截葉稱高才。春風如故人。昨日天涯來。置酒盡堂晚。勸我白玉杯。調笑脫俗態。高談若風雷。歸來碧窓靜。殘照寒徘徊。豈知丈夫志。力劈青雲開。孤坐淚橫臆。慷慨無良媒。世事如轉蓬。竟日千萬回。捩翅凌赤霄。欲拉高山摧。誰可料前途。使我孤心哀。**元趙叔英松亭詩集**寄省郎傳夢臣詩。經術淵源。悉巨纖。妙齡風采。德才兼。椽曹黃閣。惟三語。名望青雲。守一廉。報國忠勤。心翼翼。接人平恕。禮謙謙。知君事業。他年盛。萬實輝光。近具瞻。**劉仁本亦玄集**寄許具瞻省郎。長松出古澗。參天二十尺。矯矯冰雪姿。不為歲寒易。女蘿附其顛。亦復借顏色。一朝事斧斤。剪伐由中直。但願成棟梁。女蘿不足惜。**山翁詩**寄省郎張國陽。齊門不好瑟。越俗不尚冠。君今欲稽古。但傷知者難。弄機月皎皎。叩角夜漫漫。寸心如連環。中有長恨端。珠玉本無趾。桃李亦何言。充君眼中物。恐君歡意闌。故人已鼎貴。青雲駕飛鸞。片鷄搶蓬蒿。媿此兩翅翰。山深紫芝老。風烈石髓乾。音塵日以遠。何由寄加餐。**國朝胡樗隱集**重簡虞省郎兼寄劉仲修昆仲。賓鴻遙度塞雲高。

交友無書思轉勞。總愛還鄉辭魏闕。番怜避地託林臯。紫薇春靜曾分幙。白紵秋深未製袍。寂喜劉郎能好客。何時對菊泛香醪。**龔敦賦湖集**來劉子璿省郎詩。何處還堪一舉杯。城南風軟少塵埃。青山滿郭遊人醉。芳草迎車使者來。村店野橋郊遠近。禪宮仙館路縈迴。落花隨意飄紅雨。飛絮多情點綠苔。詩思謾因臨眺得。笑顏非為管絃開。琅峯曉日光如洗。靈岫春雲雪作堆。樗櫟每慙淹薄宦。菁莪今喜育英才。轅門有鵠鸞孤出。泮水無芹採藻回。檣燕留人渾不斷。杜鵑啼血莫相催。山中亦有桃千樹。何必鎬郎去後栽。**宋李復潘水集**李無玷自左正言出守永州。召為吏曹外郎。尚阻叙舊。先貽此詩。初伏青蒲拜皂囊。忽驅五馬下瀟湘。入承上閣尚書牒。分掌中銓吏部郎。焚藁舊垣猶寂寞。拱樞列宿頓輝光。閒歸未便能傾倒。五日朝班得綴行。**元李庭寓庵集**用郭外郎韻。尋春重過曲江東。爛熳繁華在眼中。寂寞此心誰會得。少年場上白頭翁。滔滔歲月逝波東。往事迴思一夢中。自笑平生喙三尺。老來翻作嘯嚚翁。君才獨步陝西東。筆落珠璣咳唾中。跋鼈定難追逸驥。謾誇坡老和陶翁。細草幽花灞水東。籃輿坐我畫圖中。歸來酌酒無佳句。良愧當年六一翁。歐陽已到底西逢太守。籃輿酌酒插花歸。春衫貫酒盡樓東。朱碧紛紛醉眼中。



坡詞我醉初不知。但覺紅綠眩。日暮馱歸驢背穩。路人指笑是詩翁。是越  
題所逼。致不揆如此。驕兒索飯泣門東。不信凝塵滿甌中。搜斷枯腸無

好語。生涯已似少陵翁。信有仙山碧海東。玉樓銀闕瑞烟中。為嫌上界  
多官府。且向人間作醉翁。昔隨計吏走關東。屢入宣和禁苑中。陵谷變

遷今幾度。試憑銅狄問仙翁。丁年落筆賦河東。曾入鴻儒顧盼中。老去  
布衣誰比數。黃塵憔悴一衰翁。千古繁華逐水東。銅駝埋沒棘叢中。傷

心欲問前朝事。不見連昌舊老翁。一屢舊隱潁丘東。千丈蓮峯指顧中。  
早晚重尋遂初賦。瓦盆沽酒伴鄰翁。春光淡蕩滿秦東。亭名已併形容

痛飲中。排悶新詩隨意掃。要將公案學涪翁。山谷詩排悶有新詩。忘歸去  
逸徑。纔見旌旗出漢東。復聞烽火起煌中。欲知邊塞征人苦。請問新豈

折臂翁。比年恩詔下山東。百萬人家喜氣中。一見昇平死無限。不差扶  
杖尾田翁。金鼓明年過浙東。江山行入版圖中。便宜條奏吾儕事。勿謂

無人繼弱翁。五雲明處日升東。豪傑都歸控馭中。為謝元和諸學士。莫  
矜相業笑漁翁。寄郝紹先外郎詩。天眷西平雨露偏。賓僚妙選必英

賢。關中政仰蕭丞相。幕下仍登魯仲連。一硯寒水晨草檄。滿樓明月夜籌  
邊。快須努力平通寇。清史功名屬少年。送李敬夫外郎。淵源聖學用

功深。藉藉聲名藹士林。決事但遵三尺法。肥家寧顧四知金。勞生笑我淹

黃卷。好士惟君是赤心。寄語青雲舊知己。幾時垂手援湮沉。送劉謙外

郎詩。少年錦帶佩吳鉤。乍別庭闈作遠遊。足馬飄零天一角。歸心搖蕩

月三秋。綠衣行遂寧親喜。白酒聊忘去國憂。明日關河邈千里。為君重倚

仲宣樓。張文穆公集送卜外郎詩。當年琴調響嚴灘。墨授歸來盍薦冠

猶借文書資幙辯。還教風采振臺端。清明官府光華遠。佳麗江山境界寬

別後相思何處在。故園花竹日平安。程端禮畏齋集次浙東宣帥府開閭

楊外郎韻。聖世車書混。仁涵覆載中。大酺歡郡國。重譯走蠻戎。航海南

金重。堆盤火齊紅。懷柔深悅服。智術豈牢籠。威震秋霜凜。恩施愛日烘。鴈  
猶違肅殺。葵亦仰瞳矐。海右三韓外。江南兩浙東。漁商輕稼穡。蠹莩等菁  
菘。弦誦今猶盛。衣冠昔所崇。帆檣千里集。洲嶼萬家叢。人固多豪傑。材非  
但箭筒。太平興禮樂。武備飭刀弓。聞寄軍民重。權兼節制隆。令行甌建水  
境拓。柱標銅。跡息鯨鯢恠。聲收風水泐。祝融猶效職。龍伯欲移宮。久似星  
環北。無勞檄喻蒙。麗譙新畫角。儀羽絢華蟲。品秩參台鼎。耆英出陸楓。律  
身繩正木。察物鑑懸空。不擾惟持重。原初每慮終。掾曹當代選。才彥一時  
同。銛利研新刃。調和絲應桐。文書知己簡。談笑樂何窮。言事方捫蝨。揮弦



復送鴻。陸遊首郵。鄧水泛即瀛蓬。島嶼仙靈託。窓間日月通。霞城人境異。  
台嶺客心忡。橋滑足難躡。泉驚耳願聾。穴傳歲夏后。鼓說殷靈霍。秦望碑  
銘古。蘭亭筆札工。西堂池草句。百里藕花蓬。鴈蕩長雲幕。龍湫自雨濛。鼎  
湖驚屹石。瀑布瀉流虹。羊角排山岫。龍鬚比隰葑。石靈歸洛子。柯爛遇棊  
童。太末垂名舊。徐王布德洪。雙溪吟已絕。四井論非公。牧去思黃氏。遊來  
記葛翁。江山遺跡在。田里屬年豐。勝極詩添興。清豪酒有功。夜舟蟾晶晶。  
春履草茫茫。為赴宣風便。寧虧報國忠。下看文法吏。相遠馬牛風。布韞遊  
方始。蒲輪召莫勿。愛山生似渴。吞海覺難充。遇異歸休念。聞奇訪必躬。新  
遊呼賤子。一起豁昏朦。顧我材無取。登高志頗雄。諸公如授簡。會使剡藤  
穿。王惲秋澗集。奉酬紹開外郎詩。畫省胡負外。都城憶昔遊。分携無半  
載。渴仰若三秋。已辦催科拙。寧煩任智憂。何當償宿願。相望兩山州。宋陸  
游渭南集寄五郎兼示十五郎詩。八十九老可驚。白髮森然憎鏡明。  
身當遊岱尚少駐。書欲藏山殊未成。大兒為國戍絕塞。季子伴翁親短檠。  
古人已矣不可作。夜闌撫几歎平生。呂氏子夔郎求詩。乃祖身兼將  
相崇。諸孫玉立有家風。此郎已復塵埃外。它日相期氣類中。行已勤勤須  
自省。讀書疊疊要新功。果能哮吼如獅子。一辦香應嗣放翁。任希夷斯庵

集詩付二郎。望前一日正芳春。我祖當年慶誕辰。奕葉有孫同此日。吾  
門他日寵光新。趙忠正德集聞郭瑾懷甫除郎開封司舍。至治本無為。  
何曾帝力知。人唯求俊彥。天畀濟艱危。鼎席尊黃髮。星郎用白眉。鋒芒森  
武庫。律呂奏咸池。海內想風采。朝中增羽儀。餘光被草木。盛事播聲詩。感  
會唯千載。飛騰各一時。著鞭今更懶。投劾去奚疑。亦有乘軒戀。其如續脛  
悲。御蘆聊避弋。遶樹未安枝。念舊多生死。思鄉久別離。自餘復何道。湖海  
是歸期。洪平齋集送商總郎三首。鶴唳風聲泚水捷。馬騰士飽蔡州平。  
笑談定取中興策。莫道司存只餉兵。霜遲斷隴蒼花白。水足平田稻子  
紅。剝把豐年供祖帳。送將玉節過江東。百尋浮玉三更月。萬里長江一  
色秋。照映此心須此水。不妨小泊讀書舟。袁起岩東塘集和林子長訓諸  
郎韻。祝羸不知難。舐犢不知累。我生飽經涉。一一如歷塊。泛觀孩提兒。  
鏗鏘捷應對。由其學不學。所入遂同異。有子當務教。否則基業墜。明經仰  
韋賢。所重識與器。黃金委塵土。教子遊於藝。父子踵黃閣。功業美且粹。最  
憐房杜家。門戶早覆篋。紛紛不肖子。掃蕩等劇戲。賢愚豈少年。成敗見晚  
歲。君家萬金產。兩兩蘭玉萃。兒時見頭角。已負食牛氣。誦詩了瑟僖。引義  
觸儔類。長大守經訓。含咀樂心醉。瀾翻紙上語。筆刀巧憑恃。老蚌生明珠。



光彩爛足畏。渥洼墮龍種。不數蟾蜍輩。孟仲叔季間。更盛而迭貴。吾兒勝  
犬耳。衣鉢黨可遺。登門倚群玉。辱交每不外。譬如般若光。照此大海會。願  
續無盡燈。庶為宗門慰。**陸子壽集**早過何郎詩。蕭蕭風雨曉。籃輿沒脛  
泥。深我僕痛。却憶去年苗。欲搗任。從行李且虛徐。**趙汝騰紫霞洲集**錢新  
三衢牧常著郎。咫尺去天郡。少雙名世儒。兩轄建有日。五袴周無襦。孔  
廟雲來祀。柯山矜珮趨。常侯振文化。相業起於衢。**李魯伯可齋集**丁未劾  
八臆叔賦黃郎詩。夙悟金仙空色教。化生千百對青春。強顏翁媪梳為  
貌。取悅兒童絲繫身。立伏無言開口甚。當筵何事掉頭頻。笑他鮑郭經年  
舞。我過鶯花即問津。**國朝劉基覆瓿集**寄臺郎張贊夫。春愁忽得故  
人書。喜極成悲淚滿裾。冀野駕駘虛伯樂。魯門鐘鼓駭鷄鷄。全家蕩析飢  
寒切。病骨支離志慮疎。敢以浮名誤知己。緘辭馮意愧何如。**釋大訢蒲室**  
**集**次韻廉公秀御史送觀志能臺郎赴都。我愛魯司寇。談笑聽三都。中  
流天一柱。孰憂顛不扶。使君蘭臺彦。去惡如摧枯。利刃剗茅耕。肯顧蕞難  
圖。問俗湘水上。重吊楚大夫。長笛幽憤作。落日壯心孤。歸舟百靈護。風雨  
聞號呼。送觀志能臺郎赴都。得勸字。皎皎瓊林枝。一見足良願。三年  
獲周旋。臺端肅懲勸。野火結夕陰。江煙帶寒蕩。歌長步遲遲。庶以展懷戀。

次韻答曹德昭臺郎見寄。華歷雕欄護玉墀。光涵珠網耀摩尼。室空  
誰問維摩病。才絕徒憐顧愷癡。塵土汚人思自奮。雲霄舉翮欲何之。期君  
臺閣鷄鸞集。濯濯清風尉所知。送楊子承臺郎詩。六旬苦不雨。寢食  
不遑安。佳人重遠別。西風古長干。群書豈無華。中臺切雲端。執簡贊畫諾。  
群彥集孔鸞。丹心照白日。雄辭馮驚湍。所愛溫如玉。何須錢作肝。賢才期  
有用。行志良獨難。上言保明哲。下以濟時艱。關陝民食子。蜚蝗蔽淮壖。便  
須給餽餉。胡能及朝餐。維斗不可酌。西望銀河乾。安得仙人掌。盤傾玉露  
溥。**張文穆公集**送張從之臺郎詩。又報天邊好語催。烏臺移近鳳凰臺。  
幙中頗見此客不。江左喧傳某掾來。到處冰霜凝簡牘。公餘風月入尊罍。  
他人不似吾同姓。歌徹陽關首重回。**薩天錫詩集**淮安舟中呈觀志能臺  
郎二首。銀漢迢迢露濕莎。南風無力水無波。孤舟有客生不寐。一夜月  
明聞棹歌。長淮灑灑遠如藍。水氣涼生白苧衫。三月船頭聽吹笛。遠人  
歸思滿江南。寄士嚴臺郎詩。薦士如君少。文章玉佐泥。自登臺閣去。  
不使簿書迷。俸薄無餘積。家貧有病妻。長安貴公子。中酒聽鶯啼。口號  
寄中臺諸掾郎二首。天上霜臺高百尺。諸郎不為簿書禁。遙知閑倚東  
廊柱。看盡揚花看綠陰。天上故人頻寄語。江東倦客只題詩。梨花飛盡



東廊雪。又過梅黃杏熟時。**王逢梧溪集**寄溥鰲海掾郎。兼簡宗燈二上人。省郎前進士。喬出素封家。畎畝寸心赤。風塵雙鬢華。玉衡低虎觀。金柳

巨龍沙。寺壁詩千首。煩僧覆碧紗。寄汪用敬劉彥肅二憲郎詩。太尉新開府。諸曹舊直臺。節毛通萬乘。旗羽拂三台。路遠青州入。烽從赤壁來。

英雄滿麾下。參贊屬奇才。**郝禁陵川集**遊斜川憶西郎詩。江壩坐白頭。自分如歸休。十年不出戶。夢憶西郎游。看花當雷溪。水合青山流。泓澄潭

洞豁。容與浮輕鷗。回抱道明莊。魏道明也玉翅開林丘。西廊十二峯。如列鳥翅。見水經。依依避秦人。桃源開田疇。遺我山中酒。殷勤更獻酬。花飛好

鳥歌。塵世有此不。醉踏石上水。灑然濯百憂。何年結茅屋。歸去便可求。西郎吟。上左副貢侯西郎峩峩秋凌空。萬壑秋氣丹霄通。翠蟠燕趙一

千里。蒼東刀巖十二峯。壁立不讓恒山雄。顏行欲過東海東。老鷹南來駕黃隼。結巢便入山靈宮。羽毛不鍛爪距禿。肅雲慘月驚長風。巨靈雖為重

御護。湫穴幾為脩蛇訶。相君巖巖西郎秀。壽與西郎高不朽。老鷹黃隼正吾儕。亦賴恩靈庇黃口。黃金臺上秋風高。會當凌風快鴻毛。為公搏擊毆

雲鷗。**揚鈇崖集**鈇面郎美趙御史也。鈇面郎不願白玉堂。願着繡衣裳。上明天耳目。下見人肝腸。江南使者欺天隱。黃金車馱實虛托。忽為青天

近。天目峯前見秋隼。父老出郭門。焚香拜使君。使君天上斗。斟酌元氣成。冬春。成冬春。立皇紀。董狐已脩三國史。柱後惠文須出理。江南驄行且止。

萬一謔邪塞天耳。手持堯時屈軼枝。獨立殿前言國是。鈇面郎真御史。**張思廉玉筍集**寄石郎詩。弓馬英雄徧四方。何人重為整王綱。鳳凰池竭

多春草。獬豸臺傾少夜霜。賤似衛青猶出將。飢如韓信亦封王。誰能孤坐窮山裏。剔盡殘燈讀漢唐。**宋本至治集**中郎詩。中郎柯亭笛。乃落桓野

王。且得王徽之。洗耳聽其旁。風煙一蕭索。江山自邈遼。世間可憐事。稀復得如此。**宋張敬齋詩集**賀新郎詞。壽歐陽新卿。卓犖歐陽子。是江山毓

秀鍾靈。異才間世。恰則韶光三月。莫。莫葉堯階有四。正天啓懸弧盛事。金鴨亭亭。書雲篆。散非烟。南極真僊至。來為爾薦嘉瑞。神清洞府。丹書字。

擁笙歌。綺席高張。更羅珠翠。个裏長春人不老。仙籍玉環暗記。但判取。醜醜。沉醉。擬作新詩八千首。待一年一獻稱。俾爾耆而艾。昌而熾。**馬丹陽集**

鍊丹砂。詞贈鄆縣柳蔣村揚一郎。酒色氣財華。世俗生涯。貪饕豈覺路途差。箇箇迷迷無箇悟。替了仙家。達者不驚鋒。陝石農家過有官私事

務擊鋒集。來。鑪鍊黃芽。不施閑禮手。無义坦蕩逍遙。全性命。此外無嘉。又贈鄆縣黃萑谷竇三郎。大悟棄奢華。拂袖天涯。願神養氣事無差。自

又贈鄆縣黃萑谷竇三郎。大悟棄奢華。拂袖天涯。願神養氣事無差。自

又贈鄆縣黃萑谷竇三郎。大悟棄奢華。拂袖天涯。願神養氣事無差。自



在逍遙無繫絆到處為家。虎嘯似鳴鏘。龍吐靈芽。和光混俗手開叉。功  
行暗修唯自覺。嘉上無嘉。賀方回詞。陌上郎生查子。西津海鷗舟。徑度

滄江兩。雙艣本無情。鴉軋如人語。揮金陌上郎。化石山頭婦。何物繫君  
心。三歲扶牀女。畫眉郎。好女兒。雪絮彫章。梅粉華粧。小芒臺。榷机羅

緗。素古銅蟾硯滴。金鷓琴薦。玉燕釵梁。五馬徘徊長路。漫非意。鳳求凰。  
認蘭情自有怜才處。似題橋貴客。栽花潘令。真畫眉郎。試周郎。折衷情

喬家深閉鬱金堂。朝鏡事梅粧。雲鬟翠鈿浮動。微步擁釵梁。情尚秘。色  
猶莊。迺瞻相弄絲。調管時悞新聲。翻試周郎。元王惲詞。感皇恩。贈李士

觀諱儀。霸州人。予廿時。鹿庵先生門同舍郎也。性端方。嘗為刑司經歷官。  
好學不倦。與人交有終始。回首竹林遊。山陰陳迹。灑落襟期。記疇昔論

文把酒。醉盡清泉白石。幾年江海上。空相憶。邂逅淇南。羈愁都釋。兩鬢  
怜君更如漆。幽懷重叙。不待小槽紅滴。新詩隨咳唾。驪珠濕。唐李義山集

聖郎曲。左亦不佯佯。右亦不翼翼。仙人在  
郎傍。玉女在郎側。酒無沙糖味。為他通顏色。

郎地。左傳。隱公元年。夏四月。費伯帥師城郎。不書。非公命也。隱九  
年。夏。城郎。書不時也。桓公四年。春正月。公狩于郎。書時禮也。

桓公十年。冬。齊人衛人鄭人來戰于郎。莊公八年。師次于郎。以俟陳  
人蔡人。莊公十年。夏六月。齊師宋師次于郎。莊公三十一年。戊午春

築臺于郎。註。刺者  
且非土功之時。

郎州。州名。舊唐書地理志。郎州。武德元年。開南中。置南寧州。乃立味  
同樂。升麻同起。新豐隴隄。泉麻梁水。降九縣。武德四年。置摠管

府。管南寧恭。協昆尹。曾姚。西濮。西宋。九州。五年。罷摠管。其年冬。復置。寄治  
益州。七年。改為都督。督西寧。豫西。利南。雲磨。南。龍七州。并前九州。合十六

州。仍割南寧州之降縣。屬西寧州。八年。自益州。移都督於今治。貞觀六年。  
罷都督。置刺史。八年。改南寧為郎州也。領縣七。戶六千九百四十二。京師

西南五千六百七  
十里。北接曲州也。阿崩郎。阿悞郎。犬郎。鎮名。雲  
南志。已

上三條。俱在建昌府。永寧  
隆州坊郭鄉鎮名。居郎。州。中縣。坊郭鄉鎮名。

夜郎。國名。鄭樵通志。四夷傳。夜郎。漢時通焉。初。夜郎有女子。浣於澗  
水。有三節大竹。流入足間。聞其中有號聲。剖竹視之。得一男兒。



歸而養之。及長有才武。自立為夜郎侯。以竹為姓。武帝元鼎六年。平南夷。為牂柯郡。夜郎侯迎降。賜其王印綬。後遂殺之。夷獠咸以竹王非血氣所生。甚重之。求為立後。牂柯太守吳霸以聞。天子乃封其三子為侯。死。配食其父。今夜郎縣有竹王三郎神是也。前書地理志曰。夜郎有避水。東至廣鬱。華陽國志云。避水道鬱林。有三郎祠。皆有靈響。又云。竹王所捐破竹於野。成竹林。今王祠有竹林。是也。王嘗從之。止大石上。令作羹。從者白無水。王以劍擊石。出水。今竹王水是也。按漢書夜郎侯。降封王。不言殺之。至成帝時。猶謂之夜郎王。獨范史云。竹王被殺。後封其子為侯。與班史抵牾。今兩存之。初。楚頃襄王之時。遣將莊豪從沅水伐夜郎。軍至且蘭。桵船於岸。而步戰。既滅夜郎。因留王滇池。以且蘭有桵船。牂柯處。乃改其名為牂柯。并柯繫船。桵也。按史記及漢書皆云。楚威王時。使莊躑略巴黔以西。至滇池。欲歸。會秦奪楚巴黔中郡。因以其眾王滇。後十餘歲。秦滅。又按楚自威王後。懷王立。三十年。至頃襄王之二十二年。秦昭襄王遣兵攻楚。取平黔中郡地。後漢史則云。頃襄王時。莊豪王滇。豪即躑也。若莊躑自威王時將兵略地。屬秦。陷巫黔中郡。道塞不通。凡經五十二年。豈得如此淹久。或恐史記誤謬。班固循習而書。范曄所記。詳攷為正。又按莊躑王滇。後十五年。頃襄

王卒。考烈王立。二十五年。幽王立。十年。王負芻立。五年。而楚滅。後十五年。而秦亡。凡七十年。何故云躑之。王滇。後十餘歲。而秦亡。斯又未之詳也。躑音渠。略反。牂柯地多雨潦。俗好巫鬼。禁忌。寡畜產。又無蠶桑。故其郡最貧。鈎町縣有桵榔木。可以為麩。百姓資之。臨海異物志曰。桵榔外皮有毛。似耕欄而散生。其木剛。作鋸鋤。利如鐵。中石。更利。唯中焦根。乃致敗耳。皮中有似擣稻米片。又似麥麩。中作餅餌。廣志曰。桵榔樹大四五圍。長五六丈。洪直旁無枝條。其類生葉。不過數十。似椶葉。破其木。肌堅難傷。入數寸。得麩赤黃。密緻可食也。公孫述時。大姓龍傳尹董氏。與郡功曹謝暹保境。為漢。乃遣使從番禺江奉貢。光武嘉之。並加褒賞。桓帝時。郡人尹珍。自以生於荒裔。不知禮義。乃從汝南許慎。應奉。受經書圖緯。學成。還鄉里教授。於是南域始有學焉。珍官至荊州刺史。尹珍。字道真。母敏。縣人也。文獻通考。夜郎國。今夜郎播川。提為郡。即其國。漢時西南夷君長以十數。夜郎最大。在蜀郡繳外。東接交趾。西隣滇國。今雲南郡滇國。其國隣牂柯江。江廣數里。出番禺城下。武帝時。唐蒙上書曰。竊聞夜郎精兵。可得十餘萬。浮船牂柯江。出不意。此制南越奇兵也。乃拜蒙為郎中。遂見夜郎侯。蒙賜諭以威德。夜郎貪漢繒帛。以為漢道險。終不能有也。乃且蒙約。還報。乃以為捷。為



郡今提為陽安仁壽通義和義資陽皆其地發巴巴郡今通川等十五郡理道地已具上注蜀卒蜀郡今蜀郡濠陽唐安臨邛蘆山等郡亦曰蜀川

自樊道指牂柯江蜀人司馬相如亦言西夷邛笮可置郡今越嵩郡地帝使相如往諭皆如南夷為置一郡尉十餘縣屬蜀郡當是時巴蜀四郡漢

道不通中廣漢巴郡今漢川巴川蜀川地也通西南夷道通西南夷道戍轉相饗古餉字數歲

無功帝患之使公孫弘往視問焉還言其不便時方築朔方據河逐胡弘因數言西南夷為害通西南夷大為損害可且罷專力事匈奴上罷西夷

獨置南夷兩縣一都尉及元狩元年張騫言使大夏時見蜀布邛竹杖問所從來曰從東南身毒國即天竺也可數千里得蜀賈人市或聞邛西可

二千里有身毒國於是乃令王然于間出西南夷往身毒國至滇道皆為昆明所閉昆明在今越嵩郡西南莫能通身毒及南越反上使發南夷兵

且蘭君小邑乃與其眾反漢發巴蜀校尉擊破之遂平南夷為牂柯郡今陪川夜郎義泉郡地夜郎侯始倚南越越滅恐懼遂入朝封為夜郎王昭

帝始元中牂柯談指同並等二十四邑凡三萬餘人皆反並音伴談指同並後皆為縣屬漢牂柯郡遣水衡都尉發蜀郡犍為兵擊牂柯大破之後

姑繒葉榆人復反鈞町侯亡波率其人擊之有功漢立亡波為鈞町王至成帝河平中夜郎王興與鈞町王禹漏臥侯俞漏臥侯邑名後為縣屬漢

牂柯更舉兵相攻牂柯太守請發兵誅興等漢以道遠不可擊遣太中大夫張匡持節和解並不從杜欽說王鳳曰張匡和解蠻夷王侯不從

不憚國威其効可見恐議者選奕復守和解選奕怯懦不前之意選息克及奕人克反太守察動情有變廼以聞如此則復曠一時曠空也一時三

月言空廢一時不早發兵王侯得收獵其眾申固其謀黨助眾多各不勝忿必相殄滅自知罪成狂犯守尉言起狂動之心而殺守尉遠蔽温暑毒

草之地雖有孫吳之將賁育之士若入水火往必焦没智勇俱亡所設施屯田備守之費不可勝量且因其罪惡未成未疑國家加誅陰勅旁郡守

尉練士馬大司農先調穀積要害處調發也要害者在我為要於敵為害選任職太守往以秋涼時入誅其王侯尤不執者即以爲不毛之地亡用

之人聖王不以勞中國即猶若也不生草木宜罷郡放棄其人絕其王侯勿復通如以先帝所立累代之功不可墜壞亦宜因其萌芽早斷

絕之反已成形然後師興則萬姓被害矣鳳於是薦陳立為牂柯太守至牂柯廼徙吏數十人出行縣召興與將數千人往立數責因斷興頭出曉

牂柯廼徙吏數十人出行縣召興與將數千人往立數責因斷興頭出曉

牂柯廼徙吏數十人出行縣召興與將數千人往立數責因斷興頭出曉



其衆皆釋兵降。興子邪務收餘兵，迫脅旁二十邑。反，立又擊平之。唐置費珍莊琰播郎祥夷等州。其地北距克州百五十里，東距辰州二千四百里。南距交州一千五百里，西距昆明九百里。無城郭，散居村落。土多霖雨，稻粟皆再熟，無徭役。將征戰，乃屯聚，刻木爲契，其法劫盜者償其主三倍。殺人者出牛馬三十頭，與其家以贖死。疾病無醫藥，但擊銅砂羅以祀神。風俗與東謝蠻同。隋大業末，首領謝龍羽據其地，勝兵數萬人。唐末王建據西川，由是不通中國。後唐天成二年，祥柯清州刺史宋朝化等一百五十人來朝。孟知祥據蜀，復不通朝貢。宋乾德三年，平蜀。五年，知西南蕃南寧州蕃落使龍亮瑄等來貢，詔授以官。開寶二年，武才等一百四十人來貢。八年，三十九部順化王子若廢等三百七十人來貢馬百六十匹，丹砂千兩。太平興國五年，蕃王龍瓊瑠遣其子并諸州蠻七百四十七人，以方物名馬來貢。自是至景德，朝貢不絕。太宗召見其使，詢以地里風俗。譯對曰：地去宜州，陸行四十五日。土宜五穀，多種秔稻。以木弩射麋鹿充食。每三二百戶爲一州。州有長，殺人者不償死。出家以贖。國王居有城郭，無壁壘。官府惟短垣。光進說與前書所記小異，故并叙之。上因令作本國歌舞，一人吹瓢笙如蚊蚋聲，良久數十輩連袂宛轉而舞，以足頓地爲節。詢其

曲則名曰水曲。其使十數輩，從者千餘人，皆蓬髮，面目黧黑，狀如猿狖。使者衣虎皮氈裘，以虎尾挿首爲飾。大中祥符以後，頗爲寇抄，轉運使寇瑊調兵擊之。夷人寧息。天聖以來，訖于元符貢奉。其首領龍氏於諸姓爲最大。世世襲職，貢奉尤頻。使者但衣布袍，至假伶人之衣入見。蓋實貧陋，所冀者恩賞而已。賜以袍帶等物，至刺其數於臂。故事蠻夷入貢，雖交趾于闐之屬，皆御前殿見之。獨此諸蕃見於後殿。蓋卑之也。諸蕃部族數十。獨龍方張石羅五姓最著，號五姓蠻。其後又有程氏韋氏，皆比附五姓。故號西南七蕃云。江州志：唐李太白天寶初，至長安，知不爲貴近所容，歸築堂康廬讀書。後爲永王勣脅，辟爲府僚。白逃還彭澤，坐勣累當死。初白遊并州，識郭子儀於未遇。子儀哀其寃，請解官爲贖。詔流夜郎。唐李翰林集憶秋浦桃花舊遊時，竄夜郎。桃花春水生，白石今出沒。搖蕩女蘿枝，半搖青天月。不知舊行徑，初拳幾枝巖。三載夜郎還，於茲鍊金骨。齊賢曰：太白有春夜宴從弟桃花園序。毛詩：葛與女蘿。又言采其蕨。唐夜郎縣隸涪州。士贇曰：桃花水見前鮑照詞云：搖蕩春風媚春日。又綠波致金骨。盧溪詞菩薩蠻 紹興十九年謫夜郎。州學諸職事邀就孔志行家圖讌集。時初至貶所，見人物風景之美。夜夕方歸，恍然莫知爲何所。酒醒作此詞以記。



之。武陵西上沅陵渡。扁舟忘了來時路。花外有人烟。相逢疑是仙。清樽留夜語。醉倒知何處。歸去客心驚。金鷄嘲哢鳴。方輿勝覽題詠。唐李白寄江夏韋太守詩云云。西上令人老。夜郎萬里道。又寄韋南陵詩。君為張掖近酒泉。我竄三巴九千里。天地再造法令寬。夜郎遷客帶霜寒。張文昌送蠻客詩。借問炎洲客。天南幾日行。江連惡溪路。山繞夜郎城。四六夔路與區。樂源古郡。雖云夷俗。實慕華風。古不居於臣服。今久被於皇靈。萬里朱轡。暫撫夜郎之俗。一封紫詔。即歸曉禁之班。粵從漢代。尹珍之教化始行。循至唐朝。太白之詩歌尤甚。

### 郎氏

千家姓郎商中山古今姓氏辨証出自姬姓魯懿公孫費伯帥師城郎因居之子孫氏焉郎魯邑也春秋魯莊公築臺于郎李

武子築郎園即其地漢有郎舍後漢郎顛字雅光北海人石趙司空郎安丘又含五世孫魏伏波將軍芳徙居中山新市縣後燕有秘書監郎敷五代史梁有軍將郎公遠千姓編郎氏又出魏郡北海後趙有郎肅啓劄青錢宮音

### 郎顛

宋漢書列傳顛字雅光北海安丘人也父宗字仲綏學京氏易善風角星筭六日七分京氏京房也作易傳風角謂候四方四

隅之風以占吉凶也星筭謂善天文筭數也易稽覽圖曰甲子卦氣起中孚六日八十分日之七鄭玄注云六以候也八十分為一日之七者一卦六日七分也能望氣占候吉凶常賣卜自奉秦晉扶月反安帝徵之對策為諸儒表後拜吳令吳縣名屬會稽郡今蘇州縣也時卒有暴風宗占知京師當有大火記識時日遣人參候果如其言諸公聞而表上以博士徵之宗恥以占驗見知聞徵書到夜縣印綬於縣廷而遁去遂終身不仕顛少傳父業兼明經典隱居海畔延致學徒常數百人晝研精義夜占象度勤心銳思朝夕無倦州郡辟召舉有道方正不就順帝時災異屢見陽嘉二年正月公車徵顛乃詣闕拜章曰臣聞天垂妖象地見災符所以遣告人主責躬脩德使正機平衡流化興政也易內傳曰凡異災所生各以其政變之則除消之亦除易稽覽圖曰凡異所生災所起各以其政變之則除其不可變則施之亦除鄭玄注云改其政者謂失火令則行水令失土令則行木令失金令則行火令則災除去也不可變謂殺賢者也施之者死者不可復生卦祿其子孫使得血食則災除也伏惟陛下躬日昃之聽溫三省之勤論語曾子曰吾日三省吾身也思過念咎務消祗悔祗大也易復卦初九曰無祗悔元吉方今時俗奢佚淺恩薄義夫救奢必於儉約



極薄無若敦厚。安上理人。莫善於禮。修禮遵約。蓋惟上興。革文變薄。事不在下。故周南之德。關雎政本。周南詩序曰。關雎風之始也。所以風化天下。而正夫婦也。故夫婦為政本也。本立道生。風行草從。澄其源者流清。溷其本者末濁。天地之道。其猶鼓籥。以虛為德。自近及遠者也。籥如笛。六孔。鼓籥其形內虛而氣無窮。老子曰。天地之間。其猶橐籥。虛而不屈。動而愈出。伏見往年以來。園陵數災。陽嘉元年冬。恭陵百丈廡災。永建元年秋。茂陵園殿災。災光熾猛。驚動神靈。易天人應曰。君子不思導利。茲謂無澤。厥災孽火燒其宮。又曰。君高臺府。犯陰侵陽。厥災火。又曰。上不儉。下不節。災火並作。燒君室。自頃繕理西苑。修復太學。永建六年。修太學也。宮殿官府多所構飾。昔盤庚遷殷。去奢即儉。帝王紀曰。盤庚以耿在河北。迫近山川。自祖辛以來。奢淫不絕。乃度河。將徙都亳之殷地。人皆嗟相怨。不欲徙。盤庚乃作書三篇以告喻之。今尚書盤庚三篇是也。亳在偃師。夏后卑室。盡力致美。論語孔子曰。禹惡衣服而致美乎黻冕。卑宮室而盡力乎溝洫。又魯人為長府。閔子騫曰。仍舊貫。何必改作。長府魯之府名也。仍。因也。貫。事也。言因舊事。則可。何必更作。見論語。臣愚以為諸所繕修。事可省減。粟卹貧人。賑贍孤寡。此天之意也。人之慶也。仁之本也。儉之要也。焉有應天養人。

為仁為儉。而不降福者哉。土者地祇。陰性澄靜。宜以施化之時。敬而勿擾。竊見正月以來。陰闇連日。易內傳曰。久陰不雨。亂氣也。蒙之比也。蒙者。君臣上下相冒亂也。易稽覽圖曰。日食之比。陰得陽。蒙之比也。陰冒陽也。鄭玄注云。蒙氣也。此非一也。邪臣謀覆冒其君。先霧從夜昏起。或從夜半。或平旦。君不覺悟。日中不解。遂成蒙。君復不覺悟。下為霧也。此音庇。又曰。欲德不用。厥異常陰。夫賢者化之本。雲者雨之具也。得賢而不用。猶久陰而不雨也。又頃前數日。寒過其節。冰既解釋。還復凝合。夫寒往則暑來。暑往則寒來。易繫詞之文也。此言日月相推。寒暑相避。以成物也。今立春之後。火卦用事。當溫而寒。違反時節。由功賞不至。而刑罰必加也。宜須立秋。順氣行罰。臣伏紫飛候。參察眾政。京房作易飛候。以為立夏之後。當有震裂涌水之害。又比熒惑失度。盈縮往來。涉歷與鬼。環繞軒轅。天官書曰。與鬼南方之宿。軒轅。黃龍。體女主後宮之象也。火精南方。夏之政也。政有失禮。不從夏令。則熒惑失行。熒惑。南方主夏。為禮為視。禮虧視失。不行夏令。則熒惑逆行也。見天文志。正月三日。至乎九日。三公卦。凡卦法一為元士。二為大夫。三為三公。四為諸侯。五為王位。六為宗廟。前書曰。梁人焦延壽。字贛。長於災變。分六十四卦。更直日用事。以風雨寒溫為候。音義云。分卦直



日之法又主一日。即三日九日並為三公之日也。三公上應台階。下同元首。春秋元命包曰。魁下六星。兩兩而比曰三台。前書音義曰。泰階三台也。

又黃帝泰階六符經曰。泰階者。天之三階也。上階為天子。中階為諸侯。公卿大夫。下階為士庶人。三階平。則陰陽和。風雨時。尚書曰。君為元首。臣作

股肱。言三公上象天之台階。下與人君同體也。政失其道。則寒陰反節。節彼南山。詠自周詩。詩小雅曰。節彼南山。維石巖巖。赫赫師尹。人具爾瞻。注

云。節。高峻貌也。喻三公之位。人所高嚴也。赫赫。顯威也。師尹。三公也。言三公之位。天下之人。共瞻視之。股肱良哉。著於虞典。而今之在位。競託高虛。

納累鐘之奉。忘天下之憂。六卦四斗曰鐘。左傳曰。四斗為豆。四豆為區。四區為釜。四釜為鐘也。棲遲偃仰。寢疾自逸。被策文。得賜錢。即復起矣。何疾

之易而愈之速。以此消伏災青。興致升平。其可得乎。今選舉牧守。委任三府。三公也。長吏不良。既咎州郡。州郡有失。豈得不歸責舉者。而陛下崇之

彌優。自下慢事愈甚。所謂大網疏。小網數。謂緩於三公。切於州郡也。三公非臣之仇。臣非狂夫之作。所以發憤忘食。懇懇不已者。誠念朝廷欲致興

平。非不能面譽也。臣生長草野。不曉禁忌。披露肝膽。書不擇言。伏鎖鼎鑊。死不敢恨。謹詣闕奉章。伏待重誅。書奏帝。復使對尚書。使就尚書更對也。

顛對曰。臣聞明王聖主。好聞其過。忠臣孝子。言無隱情。臣備生人倫。視聽之類。而稟性愚慤。不識忌諱。故出死忘命。懇懇重言。重再也。誠欲陛下脩

乾坤之德。開日月之明。披圖籍。案經典。覽帝王之務。識先後之政。如有闕遺。退而自改。本文武之業。擬堯舜之道。攘災延慶。號令天下。此誠臣顛區

區之願。夙夜夢寤。盡心所計。謹條序前章。暢其旨趣。謂前詣闕所上章也。條便宜七事。具如狀對。一事陵園至重。聖神攸馮。而災火災赫。迫近寢殿。

魂而有靈。猶將驚動。尋宮殿官府。近始永平。歲時未積。便更修造。又西苑之設。禽畜是處。離房別觀。本不常居。而皆當務精土木。營建無已。消功單

賄。巨億為計。易內傳曰。人君奢侈。多飾宮室。其時旱。其災火。是故魯僖遭旱。修政自勅。下鐘鼓之縣。休繕治之官。春秋考異郵曰。僖公三年春夏不

雨。於是僖公憂閔。玄服。避舍。釋更。謹之。道。罷軍。寇之。誅。去苛。刻峻。文。慘。毒。之。教。所。蠲。浮。令。四。十。五。事。曰。方。今。天。旱。野。無。生。稼。寡。人。當。死。百。姓。何。謗。不

敢。煩。人。請。命。願。撫。萬。人。害。以。身。塞。無。狀。禱。已。舍。齊。南。郊。雨。大。澍。也。雖。則。不。寧。而。時。雨。自。降。左。傳。僖。公。六。月。雨。由。此。言。之。天。之。應。人。敏。於。景。響。敬。疾。也。

今。月。十。七。日。戊。午。徵。日。也。陽。嘉。二。年。五。月。日。加。申。日。在。申。時。也。風。從。寅。來。丑。時。而。止。丑。寅。申。皆。徵。也。不。有。火。災。必。當。為。旱。南。方。為。徵。故。為。火。及。旱。也。

今。月。十。七。日。戊。午。徵。日。也。陽。嘉。二。年。五。月。日。加。申。日。在。申。時。也。風。從。寅。來。丑。時。而。止。丑。寅。申。皆。徵。也。不。有。火。災。必。當。為。旱。南。方。為。徵。故。為。火。及。旱。也。

今。月。十。七。日。戊。午。徵。日。也。陽。嘉。二。年。五。月。日。加。申。日。在。申。時。也。風。從。寅。來。丑。時。而。止。丑。寅。申。皆。徵。也。不。有。火。災。必。當。為。旱。南。方。為。徵。故。為。火。及。旱。也。



願陛下校計繕修之費。永念百姓之勞。罷將作之官。減彫文之飾。損庖廚之饌。退宴思之樂。易中孚傳曰。陽感天不旋日。諸侯不旋時。大夫不過暮。鄭玄注云。陽者。天子為善一日。天立應以善。為惡一日。天立應以惡。諸侯為善一時。天立應以善。為惡一時。立應以惡。大夫為善一歲。天亦立應以善。為惡一歲。天亦立應以惡。一說云。不旋日。立應之。不過時。三辰間。不過暮。從今且至明日且也。陽即指天子也。如是則景雲降。集青沴息矣。景雲五色雲也。一曰慶雲。孝經授神契曰。德至山陵。則景雲出。類以陵園火災。故引之也。青沴。謂災氣。二事。去年已來。兌卦用事。類多不効。易傳曰。有貌無實。佞人也。有實無貌。道人也。寒溫為實。清濁為貌。易稽覽圖曰。有實無貌。屈道人也。有貌無實。佞人也。鄭玄注云。有寒溫無貌。濁清靜。此賢者屈道仕于不肖君也。有貌濁清靜。無寒溫。此佞人以便巧仕於世也。今三公皆令色足恭。外厲內荏。以虛事上。無佐國之實。故清濁效而寒溫不効也。是以陰寒侵犯消息。易稽覽圖曰。侵消息者。或陰專政。或陰侵陽。鄭玄注。溫卦以溫侵。寒卦以寒侵。陽者。君也。陰者。臣也。專君政事。亦陰侵陽也。占曰。日乘則有妖風。日蒙則有地裂。如是三年。則致日食。陰侵其陽。漸積所致。立春前後。溫氣應節者。詔令寬也。其後復

寒者。無寬之實也。夫十室之邑。必有忠信。率土之人。豈無貞賢。未聞朝廷有所賞拔。非所以求善贊務。弘濟元元。宜採納良臣。以助聖化。三事。臣聞天道不遠。三五復反。春秋合誠圖曰。至道不遠。三五而反。宋均注云。三五。三五也。五行也。三五五行。王者改代之際會也。能於此際。自新如初。則通無窮也。今年少陽之歲。法當乘起。恐後年已往。將遂驚動。涉歷天門。災成戊巳。戊亥之間。為天門也。今春當旱。夏必有水。臣以六日七分。候之可知。夫災青之來。緣類而應。行有玷缺。則氣逆于天。精感變出。以戒人君。王者之義。時有不登。則損滋徹膳。數年以來。穀收稍減。家貧戶饑。歲不如昔。百姓不足。君誰與足。水旱之災。雖尚未至。然君子遠覽。防微慮萌。老子曰。人之飢也。以其上食稅之多也。故孝文皇帝。綈袍革舄。木器無文。前書曰。孝文帝身衣弋綈。足履革舄。兵木無刃。衣緇無文。約身薄賦。時致升平。今陛下聖德中興。宜遵前典。惟節惟約。天下幸甚。易曰。天道無親。常與善人。是故高宗以享福。高宗殺王武丁也。尚書大傳曰。武丁祭成湯。有雉飛升鼎耳而雉。祖乙曰。雉者野鳥。升于鼎者。欲為用也。無則遠方將有來朝者。故武丁內反。諸已。以思先王之道。三年編髮重譯來朝者六國。孔子曰。吾於高宗彤日。見德之有報之疾也。帝王記曰。高宗饗國五十有九年。年百歲



也。宋景以延年。呂氏春秋曰。宋景公時。熒惑在心。召子韋問焉。子韋曰。禍當君。雖然。可移於宰相。公曰。宰相寡人所與。理國家也。曰。可移於人。公曰。人死。寡人將誰為。君曰。可移於歲。公曰。歲飢人餓。誰以我為君乎。子韋曰。君有至德之言三。天必三賞君。熒惑必退三舍。一舍行七星。星當一年。君延二十一年矣。熒惑果退三舍也。四事。臣竊見皇子未立。儲宮無主。仰觀天文。太子不明。洪範五行傳曰。心之大星。天王也。其前星。太子也。後星。庶子也。熒惑以去年春分後十六日。在婁五度。婁。西方宿也。推步三統。熒惑今當在翼九度。翼。南方宿也。今反在柳三度。柳。東方宿也。則不及五十餘度。古熒惑行遲也。去年八月二十四日。戊辰。熒惑歷輿鬼。東入軒轅。出后星北。東去四度。北旋復還。軒轅者。後宮也。熒惑者。至陽之精也。天之使也。熒惑南方火。咸陽之精也。天文要集曰。天有五帝五星為之使。而出入軒轅。繞還往來。易曰。天垂象。見吉凶。其意昭然可見矣。禮。天子一娶九女。嫡媵畢具。今宮人侍御。動以千計。或生而幽隔。人道不通。鬱積之氣。上感皇天。故遣熒惑入軒轅。理人倫。垂象見異。以悟主上。昔武王下車。出傾宮之女。表商容之閭。尚書大傳曰。武王入殿。表商容之閭。歸傾宮之女。以理人倫。以表賢德。故天授以聖子。成王是也。今陛下多積宮人。以違天意。故

皇胤多天。嗣體莫寄。詩云。敬天之怒。不敢戲豫。詩。大雅板篇之文也。注云。戲豫。逸豫也。方今之福。莫若廣嗣。廣嗣之術。可不深思。宜簡出宮女。恣其姻嫁。則天自降福。子孫千億。惟陛下丁寧再三。留神於此。左右貴倖。亦宜惟臣之言。以悟陛下。蓋善言古者合於今。善言天者合於人。前書武帝詔曰。善言天者。必有徵於人。善言古者。必有驗於今。願訪問百僚。有違臣言者。臣當受苟言之罪。論語孔子曰。君子於其言。無所苟而已矣。五事。臣竊見去年閏十月十七日。己丑。夜有白氣。從西方天苑趨左足。入玉井。數日乃滅。續漢志曰。時客星氣白。廣二尺。長五丈。起天苑西南。天官書曰。西有句曲九星。三處羅。一曰天旗。二曰天苑。三曰九游。參星下四小星。為玉井。其外四星。左右肩股也。春秋曰。有星孛于大辰。大辰者何。大火也。春秋昭十七年。有星孛于大辰。爾雅曰。大辰。房心尾也。孫炎曰。龍星明者。可以為時侯。故曰大辰。大火為大辰。伐。又為大辰。廣雅曰。罰。謂之大辰也。北極亦為之大辰。爾雅曰。北極。謂之北辰。李巡曰。北極。天心也。居北方。正四時。謂之北辰也。所以孛一宿而連三宿者。言北辰王者之宮也。凡中宮無節。政教亂逆。威武衰微。則此三星以應之也。罰者白虎。其宿主兵。其國趙魏。天官書曰。參為白虎。下有三星。曰罰。為新州之事故。主兵。昂畢之間。趙魏之



分也。變見西方。亦應三輔。凡金氣為變。發在秋節。西方白氣入玉井。是金氣之變也。臣恐立秋以後。趙魏關西。將有羗寇畔戾之患。宜豫宣告諸郡。使敬授人時。輕徭役。薄賦斂。勿妄繕起堅倉獄。備守衛。回選賢能。以鎮撫之。曰。易也。金精之變。責歸上司。上司。謂司馬也。建武二十七年。改為太尉。韓詩外傳曰。司馬主天。陰陽不調。星辰失度。責之司馬。故云責歸上司也。宜以五月丙午。遣太尉服于威。建井旗。于楮也。威。斧也。西方主兵。故太尉執持楮斧。所以厭金氣也。井。南方火宿也。鳥年曰旗也。以火勝金。故畫井星之文於旗。而建之也。書玉板之策。引白氣之異。書祝辭於玉板也。於西郊責躬。求愆謝咎。皇天消滅妖氣。蓋以火勝金。轉禍為福也。以五月丙午日。火勝金也。六事。臣竊見今月十四日乙卯巳時。白虹貫日。凡日傍氣色白而純者。名為虹。貫日中者。侵太陽也。見於春者。政變常也。方今中官外司。各各考事。考劾也。其所考者。或非急務。又恭陵火災。主名未立。立。猶定也。時考問延火者。姓名未定也。多所收捕。備經考毒。尋火為天戒。以悟人君。可順而不可違。可敬而不可慢。陛下宜恭己內省。以備後災。凡諸考案。并須立秋。又易傳曰。公能其事。序賢進士。後必有喜。反之則白虹貫日。以甲乙見者。則譴在中台。譴。責也。韓詩外傳曰。三公者何。司空。司徒。司馬也。

司馬主天。司空主地。司徒主人。故陰陽不調。星辰失度。責之司馬。山陵崩絕。川谷不流。責之司空。五穀不實。草木不茂。責之司徒。甲乙東方主春。生殖五穀之時也。而白虹以甲乙日見。明責在司徒也。自司徒居位。陰陽多謬。時劉崎為司徒。至陽嘉三年。策免。久無虛已進賢之策。天下興議。異人同咨。咨。嗟嘆也。且立春以來。金氣再見。謂元年閏十二月巳丑。夜有白氣入玉井。二年五月乙卯。白虹貫日。此金氣再見。金能勝木。必有兵氣。宜黜司徒以應天意。陛下不早讓之。將負臣言。遺患百姓。七事。臣伏惟漢興以來。三百三十九歲。於詩三基。高祖起亥仲二年。今在戌仲十年。基。當作春。謂以三春之法推之也。詩。泥歷樞曰。凡推其數。皆從亥之仲起。此天地所定位。陰陽氣。周而復始。萬物死而復蘇。大統之始。故王命一節。為之十歲也。詩。泥歷樞曰。卯酉為革政。午亥為革命。神在天門。出入候聽。宋均注云。神陽氣君象也。天門。戌亥之間。乾所據者。言神在戌亥。司候帝王興衰得失。厥善則昌。厥惡則亡。於易。雄雌秘歷。今值困乏。凡九二困者。眾小人欲共困害君子也。經曰。困而不失其所。其唯君子乎。易。困卦之辭也。唯獨賢聖之君。遭困遇險。能致命遂志。不去其道。易。困卦曰。澤無水困。君子以致命遂志。困卦坎下兌上。坎為水。兌為澤。水在澤下。是謂竭涸之象。故以喻



因致命遂志。謂君子委命固窮。不離於道也。陛下乃者潛龍養德。幽隱屈  
尼。謂順帝為太子時。廢為濟陰王。即位之元。紫宮驚動。歷運之會。時氣已  
應。然猶恐妖祥未盡。君子思患而豫防之。臣以為成仲已竟。來年入季。文  
帝改法除肉刑之罪。漢法肉刑三。謂黥也。劓也。左右指也。文帝除之。當黥  
者。疑鉗城旦。春當劓者。當三百。當左右指者。當五百也。至今適三百載。自  
文帝十三年除肉刑。至順帝陽嘉二年。合三百年也。宜因斯際。大蠲法令。  
官名稱號。與服器械。事有所更。變大為小。去奢就儉。機衡之政。除煩為簡。  
改元更始。招求幽隱。舉方正。徵有道。博採異謀。開不諱之路。臣陳引際會。  
恐犯忌諱。書不盡言。未敢究暢。臺詔顯曰。對云。白虹貫日。政變常也。朝廷  
率由舊章。何所變易。而言變常。又言當大蠲法令。革易官號。或云變常以  
致災。或改舊以除異。何也。又陽嘉初建。復欲改元。據何經典。其以實對。顯  
對曰。方春東作。布德之元。陽氣開發。養導萬物。王者因天視聽。奉順時氣。  
宜務崇溫柔。遵其行令。禮記月令。孟春天子命相布德和令。行慶施惠。下  
及兆人。仲春安萌芽。養幼少。存諸孤。省園囿。去桎梏。止獄訟。是遵其行令  
也。而今立春之後。考事不息。秋冬之政。行乎春夏。故白虹春見。掩蔽日曜。  
凡邪氣乘陽。則虹蜺在日。斯皆臣下執事刻急所致。殆非朝廷優寬之本。

此其變常之咎也。又今選舉皆歸三司。非有周召之才。而當則哲之重。尚  
書曰。知人則哲。每有選用。輒參之掾屬。參掾也。公府門巷。賓客填集。送去  
迎來。財貨無已。其當遷者。競相薦謁。各遣子弟。充塞道路。開長姦門。興致  
浮偽。非所謂率由舊章也。尚書職在機衡。官禁嚴密。北斗魁星第三為機  
第五為衡。於天文為喉舌。李固對策曰。陛下之有尚書。猶天有北斗。主為  
喉舌。斟酌元氣。運平四時。出納王命也。私曲之意。差不得通。偏黨之恩。或  
無所用。選舉之任。不如還在機密。欲使尚書專掌選也。臣誠愚戇。不知折  
中。斯固遠近之論。當今之宜。又孔子曰。漢三百載。計歷改憲。春秋保乾圖  
曰。陽起於一。天帝為北辰。氣成於三。以立五神。三五展轉。機以動運。故三  
百歲。斗歷改憲也。三百四歲為一德。五德千五百二十歲。五行更用。易乾  
鑿度。孔子曰。立德之數。先立木。金。水。火。土。德各三百四歲。五德備。凡千五  
百二十歲。太終復初。故曰五行更用。更猶變改也。王者隨天。譬猶自春祖  
夏。改青服絳者也。禮記。月令。孟春天子承青衣。服倉王。孟夏則衣朱衣。服  
赤玉也。自文帝省刑。適三百年。而輕微之禁。漸已啟積。王者之法。譬猶江  
河。當使易避而難犯也。故易曰。易則易知。簡則易從。易簡而天下之理得  
矣。今去奢即儉。以先天下。改易名號。隨事稱謂。易曰。君子之道。或出或處。



同歸殊塗一致百慮。是知變常而善，可以除災；變常而惡，必致於異。今年仲竟來年入季，仲終季始，歷運變改，故可改元。所以順天道也。臣顛愚蔽不足，以荅聖問。顛又上書薦黃瓊、李固，并陳消災之術。曰：臣前對七事，要政急務，宜於今者所當施用。誠知愚淺，不合聖聽。人賤言廢，當受誅罰。論語：孔子曰：不以人廢言。任營惶怖，靡知厝身。臣聞剡舟剡楫，將欲濟江海也。易曰：黃帝剡木為舟，剡木為楫。聘賢選佐，將以安天下也。昔唐堯在上，群龍為用。群龍，喻賢臣也。鄭玄注：易乾卦云：文皆體乾，羣龍之象。舜既受禪，禹與稷契咎繇之屬，並在朝。文武創德，周召作輔，是以能建天地之功。增日月之耀者也。詩云：赫赫王命，仲山甫將之。邦國若否，仲山甫明之。詩大雅也。將，行也。若，順也。順否，猶滅否，謂善惡也。言國有善惡，仲山甫皆明之。宣王是賴，以致雍熙。陛下踐祚以來，勤心眾政，而三九之位未見其人。三公九卿也。是以災害屢臻，四國未寧。四方之國，臣考之國典，驗之聞見，莫不以得賢為功，失士為敗。且賢者出處，翔而後集。論語：色斯舉矣，翔而後集。爵以德進，則其情不苟。然後使君子耻貧賤而樂富貴矣。若有德不報，有言不聽，來無所樂，進無所趨。無爵賞也。則皆懷歸藪澤，修其故志矣。夫求賢者，上以承天，下以為人。不用之，則逆天統，違人望，逆天統，則災青

降。違人望，則化不行。災青降，則下呼嗟。化不行，則君道虧。四始之缺，五際之危，其咎如此。四始，謂闕離為國風之始，鹿鳴為小雅之始，文王為大雅之始。清廟為頌之始，缺，猶廢也。翼奉傳曰：易有陰陽五際。孟康曰：韓詩外傳云：五際，卯酉干戌亥也。陰陽終始際之歲。於此則有變改之政。豈可不剛健篤實，矜矜慄慄，以守天功盛德大業乎。易繫詞曰：日新之謂盛德。富有之謂大業。臣伏見光祿大夫江夏黃瓊，耽道樂術，清亮自然，被褐懷寶，含味經籍。家語：子路問於孔子曰：有人於此，被褐而懷玉，何如。子曰：國無道，隱可也。國有道，則衮冕而執玉也。又果於從政，明達變復。言明於變異，消復之術也。朝廷前加優寵，賓于上位。瓊入朝，日淺，謀謨未就，因以喪病致命。遂志。老子曰：大音希聲，大器晚成。聲震宇內，謂之大音。其動有時，故希聲也。無所不容，謂之大器。其功既博，故晚成也。善人為國三年乃立，論語：孔子曰：苟有用我者，期月而已可也，三年乃成功。又曰：善人為邦百年，可以勝殘去殺。天下莫不嘉朝廷有此良人，而復恠其不時還任。陛下宜加隆崇之恩，極養賢之禮。徵反京師，以慰天下。又處士漢中李固，年四十通游夏之藝，履顏閔之仁，絮白之節，情同皦日，忠貞之操，好是正直，卓冠古人。當世莫及。元精所生，王之佐臣。元為天精，謂之精氣。春秋演孔圖曰：



正氣為帝。間氣為臣。宮商為佐。秀氣為人也。天之生固。必為聖漢。宜蒙特

徵。以示四方。夫有出倫之才。不應限以官次。昔顏子十八。天下歸仁。論語

曰。顏回問仁。孔子曰。克己復禮為仁。一日克己復禮。天下歸仁焉。子奇稱

齒化阿有聲。子奇。齊人。年十八為阿邑宰。出倉廩以振貧乏。邑內大化。見

說苑。若還瓊徵固。任以時政。伊尹傳說不足為比。則可垂景光。致休祥矣。

臣顛明不知人。伏聽眾言。百姓所歸。臧否共歎。願汎問百僚。覈其名行。有

一不合。則臣為欺國。惟留聖神。不以人廢言。謹復條便宜四事。附奏於左。

一事。孔子作春秋。書正月者。敬歲之始也。公羊傳曰。元年春正月。元年者

何。君之始年也。春者何。歲之始也。王者則天之象。因時之序。宜開發德號。

爵賢命士。流寬大之澤。垂仁厚之德。禮記。正月。迎春於東郊。還乃賞公卿

諸侯大夫於朝。命相布德和令。行慶施惠。下及兆人。慶賞遂行。無有不當。

順助元氣。舍養庶類。如此。則天文昭爛。星辰顯列。五緯循軌。四時和睦。五

緯五星。不則太陽不光。天地溷濁。時氣錯逆。霾霧蔽日。爾雅曰。風而雨土

為霾。自立春以來。累經旬朔。未見仁德有所施布。但聞罪罰考掠之聲。夫

天之應人。疾於景響。而自從入歲。常有蒙氣。月不舒光。日不宣曜。日者大

陽。以象人君。政變於下。日應於天。清濁之占。隨政抑揚。天之見異。事無虛

作。豈獨陛下。倦於萬機。惟幄之政。有所闕歟。惟幄。謂謀之臣也。天何戒

之數見也。臣願陛下發揚乾剛。援引賢能。勤求機衡之寄。以獲斷金之利。

易曰。二人同心。其利斷金。臣之所陳。輒以太陽為先者。明其不可久闇。急

當改正。其異雖微。其事甚重。臣言雖約。其旨甚廣。惟陛下乃眷臣章。深留

明思。二事。孔子曰。雷之始發。大壯始。君弱臣彊。從解起。今月九日至十四

日。大壯用事。消息之卦也。於此六日之中。雷當發聲。發聲則歲氣和。王道

興也。周書時訓曰。春分之日。玄鳥至。又五日。雷乃發聲。雷不發聲。諸侯失

人也。易曰。雷出地奮。豫。豫。坤下震上。坤為地。震為雷。雷在地上。故曰。雷

出地。豫。奮。動也。豫。喜也。先王以作樂崇德。殷薦之上帝。殷。盛也。薦。進也。上

帝。天帝也。雷動於地。萬物喜豫。作樂之象。雷者所以開發萌芽。辟陰除害。

萬物須雷而解。資雨而潤。易。解卦曰。天地解而雷雨作。雷雨作而百果草

木皆甲拆也。故經曰。雷以動之。雨以潤之。易說卦文。王者崇寬大。順春令。

則雷應節。不則發動於冬。當震反潛。故易傳曰。當雷不雷。太陽弱也。今蒙

氣不除。日月變色。則其效也。天網恢恢。疏而不失。老子之文也。隨時進退

應政得失。大人者。與天地合其德。與日月合其明。易乾卦文言之詞也。大

人。天子也。璇璣動作。與天相應。雷者號令。其德生養。號令殆廢。當生而殺

人。天子也。璇璣動作。與天相應。雷者號令。其德生養。號令殆廢。當生而殺

人。天子也。璇璣動作。與天相應。雷者號令。其德生養。號令殆廢。當生而殺

人。天子也。璇璣動作。與天相應。雷者號令。其德生養。號令殆廢。當生而殺

人。天子也。璇璣動作。與天相應。雷者號令。其德生養。號令殆廢。當生而殺



則雷反作。其時無歲。雷以冬鳴。則歲飢也。陛下若欲除災昭祉。順天致和。宜察臣下尤酷害者。亟加斥黜。以安黎元。則太皓悅和。雷聲乃發。太皓。天三事。去年十月二十日癸亥。太白與歲星合於房心。太白在北。歲星在南。相離數寸。光芒交接。房心者。天帝明堂布政之宮。春秋元命包曰。房四星。心三星。孝經鈞命決曰。歲星守心。年穀豐。歲星守心為重華。故年豐也。尚書洪範記曰。月行中道。移節應期。德厚受福。重華留之。天官書曰。歲星一曰攝提。一曰重華也。重華者。謂歲星在心也。今太白從之交合。明堂金木相賊而反同合。太白。金也。歲星。木也。金剋木。故相賊也。此以陰陵陽。臣下專權之異也。房心東方。其國主宋。卯為房心。宋之分也。石氏經曰。石氏曰。人石中夫也。見藝文志。歲星出左有年。出右無年。今金木俱東。歲星在南。是為出右。恐年穀不成。宋人飢也。陛下宜審詳明堂布政之務。然後妖異可消。五緯順序矣。五緯。五星也。四事。易傳曰。陽無德則旱。陰僭陽亦旱。陽無德者。人君恩澤不施於人也。陰僭陽者。祿去公室。臣下專權也。自冬涉春。訖無嘉澤。數有西風。反逆時節。春當東風也。朝廷勞心。廣為禱祈。薦祭山川。暴龍移市。董仲舒春秋繁露曰。春旱以甲乙日為倉龍一。長八尺。居中央。為小龍七。各長四尺。於東方。皆東向。其間相去八尺。小童八人。皆齋

三日。服青衣而舞之。夏以丙丁日為赤龍。服赤衣。季夏以戊己日為黃龍。服黃衣。秋以庚辛日為白龍。服白衣。冬以壬癸日為黑龍。服黑衣。牲各衣其方色。皆燔雜鷄燒穀豬尾於里北門。及市中。以祈焉。禮記歲旱嘗糝公問於縣子。縣子曰。為之徙市。不亦可乎。見禮記。臣聞皇天感物。不為偽動。災變應人。要在責已。若命雨可請降。水可攘止。則歲無隔并。太平可待。然而災害不息者。患不在此也。不在祈禱。立春以來。未見朝廷賞錄有功。表顯有德。存問孤寡。賑恤貧弱。而但見洛陽都官。奔車東西。收繫纖介。牢獄充盈。臣聞恭陵火處。比有光曜。光曜。時恭陵百丈廡災。仍有光曜。不絕。明此天災。非人之咎。丁丑大風掩蔽天地。風者號令。天之威怒。皆所以感悟人君。忠厚之戒。又連月無雨。將害粟麥。若一穀不登。則飢者十三四矣。陛下誠宜廣被恩澤。貸贍元元。昔堯遭九年之水。人有十年之蓄者。簡稅防災。為其方也。簡。少也。方法也。願陛下早宣德澤。以應天功。若臣言不用。朝政不改者。立夏之後。乃有澍雨。於今之際。未可望也。若政變於朝。而天不雨。則臣為誣上。愚不知量。分當鼎鑊。書奏。特詔拜郎中。辭病不就。即去歸家。至四月京師地震。遂陷。陽嘉二年四月己亥。地震。六月丁丑洛陽地陷。是月旱也。其夏大旱。秋鮮卑入馬邑城。破代郡兵。明年西羌寇隴右。



陽嘉二年七月。種羌寇隴西。皆畧如顛言。後復公車徵不行。同縣孫禮者。積惡凶暴。好為游俠。與其同里人常慕顛名德。欲與親善。顛不顧。以此結怨。遂為禮所殺。

## 郎基

北齊書循吏傳。基字世業。中山新市人也。祖智。魏魯郡太守。贈兗州刺史。父道恩。開府陽平郡守。基身長八尺。美鬚髯。汎涉墳籍。尤長吏事。起家奉朝請。累遷海西鎮將。遇東方白額稱亂。淮南州郡皆從逆。梁將吳明徹率眾攻圍海西。基率勵兵民固守百餘日。軍糧且罄。戎杖亦盡。乃至削木為箭。翦紙為羽。圍解還朝。僕射楊愔乃迎勞之曰。卿本文吏。遂有武畧。削木翦紙。皆無故事。班墨之思。何以相過。御史中丞畢義雲引為侍御史。趙州刺史尉粲文宣外弟。揚州刺史郭元真。揚愔妹夫。基不憚權威。並劾其贓罪。皇建初。除鄭州長史。帶潁川郡守。郡西界與周接壤。因侯景背叛。其東西分隔。士人因緣姻舊。私相貿易。而禁格嚴重。犯者非一。基初莅職。披檢條格。多是權時不為久長。州郡因循。失於請讞。致密網久施。得罪者眾。遂條件申臺省。仍以情量事科處。自非極刑。一皆放決。積年留滯。案狀膠加。數日之中。剖判咸盡。而臺省報下。並允。基所陳條網。

既踈。獄訟清淨。官民遐邇。皆相慶悅。基性清慎。無營求。嘗語人曰。任官之所。木枕亦不須作。况重於此乎。唯頗令人寫書。潘子義曾遺之書云。在官寫書。亦是風流罪過。基荅曰。觀過知仁。斯亦可矣。卒於官。贈驃騎大將軍。和州刺史。謚曰惠。棺柩將還。遠近赴送。莫不攀轅悲哭。哀不自勝。初。基任瀛州騎兵時。陳元康為司馬。畢義雲為屬。與基並有聲譽。為刺史元嶷所目。曰。三賢俱有當世才。後來皆當遠至。唯郎騎兵任真過甚。恐不足自達。陳畢後並貴顯。而基位止郡守。基子茂。隋史有傳。

## 郎茂

隋書列傳。茂字蔚之。恒山新市人也。父基。齊潁川太守。茂少敏慧。七歲誦騷雅。日千餘言。十五師事國子博士河間權會。受詩

易三禮。及玄象刑名之學。又就國子助教長樂張率禮受三傳群言。至忘寢食。家人恐茂成病。恒節其燈燭。及長。稱為學者。頗解屬文。年十九。丁父憂。居喪過禮。仕齊。解褐司空府行參軍。會陳使傅縡來聘。令茂接對之。後奉詔於秘書省。判定載籍。遷保城令。有能名。百姓為立清德頌。及周武平齊。上柱國王誼薦之。授陳州戶曹屬。高祖為亳州總管。見而悅之。命掌書記。時周武帝為象經。高祖從容謂茂曰。人主之所為也。感天地。動鬼神而



象經多糾法。將何以致治。茂竊歎曰。此言豈常人所及也。乃陰自結納。高祖亦親禮之。後還家。爲州主簿。高祖爲丞相。以書召之。言及疇昔甚歡。授衛州司錄。有能名。尋除衛國令。時有繫囚二百。茂親自究審。數日釋免者百餘人。歷年辭訟不詣州省。魏州刺史元暉謂茂曰。長史言衛國民不敢申訴者。畏明府耳。茂進曰。民猶水也。法令爲隄防。隄防不固。必致奔突。苟無決溢。使君何患哉。暉無以應之。有民張元預與從父弟思蘭不睦。丞尉請加嚴法。茂曰。元預兄弟本相憎疾。又坐得罪。彌益其忿。非化民之意也。於是遣縣中耆舊更往敦諭。道路不絕。元預等各生感悔。詣縣頓首請罪。茂曉之以義。遂相親睦。稱爲友悌。茂自延州長史。轉太常丞。遷民部侍郎。時尚書右僕射蘇威立條章。每歲責民間五品不遜。或答者乃云。管內無五品之家。不相應領。類多如此。又爲餘糧簿。擬有無相贖。茂以爲繁紆不急。皆奏罷之。數歲以母憂去職。未暮。起令視事。又奏身死王事者。子不退田。品官年老不減地。皆發於茂。茂性明敏。剖決無滯。當時以吏幹見稱。仁壽初。以本官領大興令。煬帝即位。遷雍州司馬。尋轉太常少卿。後二歲。拜尚書左丞。參掌選事。茂工法理。爲世所稱。時工部尚書宇文愷。右翊衛大將軍于仲文。競河銀窟。茂奏劾之曰。臣聞貴賤殊禮。士農異業。所以人知局分。

家識廉耻。宇文愷位望已隆。祿賜優厚。拔葵去織。寂爾無聞。求利下交。曾無愧色。于仲文大將宿衛近臣。趨侍階庭。朝夕聞道。虞芮之風。抑而不慕。分銖之利。知而必爭。何以貽範庶寮。示民執物。若不糾繩。將虧政教。愷與仲文竟坐得罪。茂撰州郡圖經一百卷。奏之。賜帛三百段。以書付祕府。于時帝每巡幸。王綱已紊。法令多失。茂既先朝舊臣。明習世事。然善自謀身。無謬諤之節。見帝忌刻。不敢措言。唯竊歎而已。以年老上表。乞骸骨。不許。會帝親征遼東。以茂爲晉陽宮留守。其年恒山贊治王文同與茂有隙。奏茂朋黨。附下周上。詔遣納言蘇威。御史大夫裴蘊雜治之。茂素與二人不平。因深文巧詆。成其罪狀。帝大怒。及其弟司隸別駕楚之。皆除名爲民。徙且末郡。茂怡然受命。不以爲憂。在途作登壠賦以自慰。詞義可觀。復附表自陳。帝頗悟。十年。追還京兆。歲餘而卒。七十五。有子知年。

郎穎

姓氏。遙華穎。字楚之。與郎蔚之議。論時人莫能識。並稱蜀中二郎。

郎方貴

隋書列傳。方貴。淮南人也。少有志尚。與從父弟雙貴同居。開皇中。方貴嘗因出行遇雨。淮水汎長。於津所寄渡。船人



怒之。搗方貴臂折。至家。其弟雙貴驚問所由。方貴具言之。雙貴恚恨。遂向津。毆擊舩人致死。守津者執送之。縣官案問其狀。以方貴為首當死。雙貴從坐當流。兄弟二人爭為首坐。縣司不能斷。送詣州。兄弟各引咎。州不能定。二人爭欲赴水而死。州狀以聞。上聞而異之。特原其罪。表其門閭。賜物百段。後為州主簿。

## 郎餘令

唐書儒學傳。餘令。定州新樂人。祖穎。字楚之。與兄蔚之俱有名。隋大業中。為尚書民曹郎。蔚之位左丞。煬帝語稱二郎。武德時。楚之以大理卿封常山郡公。與李綱陳叔達定律令。持節諭山東。為竇建德所獲。脅以白刃。終不屈。賊平。以老乞身。謚曰平。餘令博于學。擢進士第。授霍王元軌府參軍事。從父知年。亦為王友。元軌每曰。郎家二賢皆入府。不意培塿而松栢為林也。徙幽州錄事參軍。有為浮屠者。積薪自焚。長史裴熒率官屬將觀焉。餘令曰。人好生惡死。情也。彼違蔑教義。反其所欲。公當察之。毋輕往。熒試廉按。果得其姦。孝敬在東宮。餘令以梁元帝有孝德傳。更撰後傳。數十篇獻太子。太子嗟重。改著作佐郎。卒。兄餘慶為吏清而刻於法。高宗時。為萬年令。道無掇遺。累遷御史中丞。務謙謹。下

人。引御史坐與論議。吏部侍郎楊思玄倨貴。視選者不以禮。餘慶劾免其官。久之。出為蘇州刺史。坐累下遷。交州都督驩州司馬裴敬敷與餘慶雅故。以事召餘慶婢。父婢方嬖。譖敬敷死獄中。又哀貨無藝。民詣闕訴之。使者十輩臨按。餘慶謾譎。不能得其情。最後廣州都督陳善弘按之。餘慶自恃在朝廷。久明法令。輕善弘不置對。善弘怒曰。舞文弄法。吾不及君。今日以天子命治君。吾力有餘矣。欲榜械之。餘慶懼服罪。高宗詔放瓊州。會赦。當還。朝廷惡其暴。徙春州。始餘慶治萬年。父知運嫌其酷。將杖之。餘慶避免。父歎曰。國家用之矣。吾尚柰何。及為御史中丞。復歎曰。郎氏危矣。以憂死。餘慶卒。以貧殘廢。董衝音釋培。薄口切。塿。郎斗切。小阜。斐。夕永切。謾。莫半切。欺也。譎。郎肝切。逸言。

## 郎士元

辛文房唐才子傳。士元。字君胄。中山人也。天寶十五載。盧庚榜進士。寶應初。選京畿縣官。詔試政事。中書補渭南尉。歷左拾遺。出為郢州刺史。與負外郎錢起齊名。時朝廷自丞相以下。出拔奉使。無兩君詩文祖餞。人為愧。其珍重如此。二公體調。大抵欲同。就中郎君稍更閑雅。逼近康樂。珠聯玉映。不覺成編。掩映時流。名不虛矣。有別業在。半日吳村。王季友錢起等皆見題詠。每誇勝絕。詩集今傳于世。姓氏



遙華士元唐詩  
人錢起齊名

### 郎簡

宋史列傳簡字叔廉杭州臨安人幼孤貧借書錄之多至成誦  
進士及第補試秘書省校書郎知寧國縣徙福清令縣有石唐  
陂歲久湮塞募民浚築溉廢田百餘頃邑人為立生祠調隨州推官及引  
對真宗曰簡歷官無過而無一人薦是必恬於進者特改秘書省著作佐  
郎知分宜縣徙知賓州縣吏死子幼贅婿偽為券冒有其資及子長屢訴  
不得直乃訟于朝下簡劾治簡示以舊牘曰此爾翁書耶曰然又取偽券  
示之弗類也始伏罪徙藤州興學養士一變其俗藤自是始有舉進士者  
通判海州提點利州路刑獄官罷知泉州累遷尚書度支員外郎廣南東  
路轉運使擢秘書少監知廣州捕斬賊馮佐臣入判大理寺出知越州復  
歸判尚書刑部出知江寧府歷右諫議大夫給事中知揚州徙明州以尚  
書工部侍郎致仕祀明堂遷刑部卒年八十九特贈吏部侍郎簡性和易  
喜賓客即錢塘城北治園廬自號武林居士道引服餌晚歲顏如丹尤好  
醫術人有疾多自處方以療之有集驗方數十行于世一日謂其子絜曰  
吾退居十五年未嘗小不懌今意倦豈其逝歟就寢而絕幼從學四明朱

頓長學文於沈天錫既仕均奉資之後二人亡又訪其子孫為主婚嫁平  
居宴語惟以宣上德救民惠為意孫沔知杭州榜其里門曰德壽坊然在  
廣州無廉稱蓋為絜所累終尚書都官員外郎臨安志後二百年有遠孫  
伋偉同登詔定五年第以國史本傳洪平齋集郎迪功墓誌修清波別志  
資政殿學士孫公沔為守日榜其所居坊曰德壽因以名其所居之橋今俗呼侍郎橋者是也

### 郎曄

臨安志曄事同里張九成嘗編橫浦日新錄雖從淳熙十四年  
持奏得官然甚以儒學知名以橫浦日新錄海昌圖經脩清波

別志曄字晦之杭人或謂郎無他郎當與侍郎同譜系晦之曰我家白屋  
豈可妄攀華胄識者許之晦之嘗注三蘇文及陸宣公奏議投進未報其  
用心亦勤矣以累舉得官不霑一日祿而  
卒可哀也已晦之早從張子韶無垢學

### 郎思

宋洪平齋集郎迪功墓誌銘余自郎曹以言事擯僑居西市距  
君舍二里許嘗過君飲君時已七十餘姿狀厖艾髯髮盡白酒  
酣慷慨道平生經行山川之險易風俗之媿惡及可喜可愕事纒纒有本  
末且言開禧初淮楚繹騷身在圍城中間以奇畫干主帥用輒中圍解欲



官僕掉頭挾所得胡人弓矢徑歸。每北風塵起，拂絃撫竒，猶踴躍自喜，恨不獲窄袍快馬，蹴踏冰雪，効驅馳也。語畢，目光炯然如秋隼之欲擊，意甚壯之。問君何以不從戎？曰：吾宗本詩書家也。景德六年，遠祖簡登進士第，仕至工部侍郎，名在國史，衣冠中絕，落莫幾二百年。物久鬱，必怒奮，貨久居，必慕羸。僕少游四方，閱人多，視諸孫當有以儒科進者，歸出橐中裝，延師教之，晝綜理家事，夜張燈挾筴，坐孫輩傍，吟嘖與相應。和老者未寢，少者不敢懈，以故偉及能力于學。紹定壬辰，同泰科第，以續前脉。僕藉是亦階初品，孰與鶡冠多？因扣君養生以何術？曰：寡慾。安生以何術？曰：寡慾。治生以何術？矍然握手曰：是非考功所當問。老夫亦不能語考功也。余今浮湛周行，媿且病，念君涉多而見博，年耆而識明，沼魚畦卉可以永日，欲歸效太史公訪所過長老，從君執筆記所聞，而遽以不起計，噫惜哉！君郎姓在漢為安丘人，在魏為中山人，唐五季以來，世為杭之臨安人。贊生瑀，瑀生孜，孜生君。君諱思，字伯永，性明直無機械，事母老，彌篤，撫鞠猶子，盡恩平居，意色沈毅，閨門整暇，與人言是是非非，不苟同。臨財義不立，責券而樂周急。生以紹興庚辰卒，以端平乙未十一月八日娶章氏，封孺人。男三，謙、詠、該。季蚤卒，女嫁施廷祀。孫男七，偉前紹興酒官，儀倅，及新慶元市舶。

務儼僑，備孫女四。曾孫男女十二。以明年三月壬申葬君于章塢先域，偉及奉大母命來乞銘。曰：曾大母嘗得銘，大父不得銘，寧不葬，惟先生哀憐之，因次第其說，系之銘曰：動以任乎時，為富靜以安乎命，為壽。四世而林立，一科而岐秀，其執之深，封之茂也夫。

### 郎翥

宋陳亮龍川集郎秀才墓誌。淳熙三年秋，鄭婺州以召還，約其弟迺母括蒼，而語其屬邑之民永康。陳亮曰：我必取道龍窟，以

趨行在所，訪子有日矣。歸則刻期，洒掃以待公。然猶差半月而後至，曰：早嘗飯於郎氏也。是其郎翥鵬舉者，我識之久矣。明年鵬舉始遣其子景明來從余游，余嘗過之，出一石示余，指其所望之山，曰：是綿亘數十里而為在官之山，並山窮民實資以自給衣食，嘗有奪而私之者，郡太守吳公芾韓公彥古取以還之，民書之石也。俾知二公有德於茲山也。不然，吾何力以致此也？余為慨然久之。今天下之田已為豪民所私矣，雖其在官者亦不以與無告之民，豈期有在官之山，又以與民而忍奪之乎？二公亦何心於為德也？又明年余過之，而鵬舉死矣。蓋月正之六日也。今年春，余又過之，則既免喪矣。其孤出鄭公之書曰：是從寧國以三萬贖我，夏五月，鄭公還永嘉，余與徐元德居厚候之於館頭，遷延久之，則反飯於郎氏矣。鄭公



於今爲道德之望。乃世所謂鄭景望先生者。道旁人士獨郎氏歟。胡爲而拳拳若此乎。冬十一月甲子。子景明將葬鵬舉於武平鄉。盤龍山之原。而景明拜且泣曰。壙石未有書。庶幾先生之興哀也。問其世則曰。其先雪川人。自十一世祖光祿大夫知制誥諱珣爲永嘉刺史。其後徙居婺之永康。然亦不能言其所以爲十一世之詳也。曾祖霖。祖觀光。父思堯。鵬舉娶徐氏。子男六人。景殊。景明。餘尚幼。女二人。長嫁同邑葛世修。次未笄。鵬舉死時年四十七歲。銘曰。物之生也。人自別於物。士自別於人。人士之望。則又自別於士。非其自別以自成。將以相成而相映。病無達人。無聞非病。牽連得書。未侈其應。生者自力。其藏其定。

### 附只兒哈郎

經世大典哈郎滅乞里台氏。至元二十四年授昭武大將軍太僕卿。元貞元年進階資德大夫。

是年立西域司。改授資德大夫。御史大夫太僕卿。西域親軍都指揮使司。達魯花赤。佩虎符。尋進榮祿大夫。大德四年。以疾卒。子禿魯不花。至大元年授開府儀同三司。豐國公。遙授平章政事。行太府院使。西域親軍都指揮使。佩虎符。尋又特授左丞相。行知樞密院事。至大元年。以疾卒。子咬住。

哥。授嘉議大夫。西域親軍都指揮使司。達魯花赤。皇慶二年。進通議大夫。至治三年。改授正議大夫。同知典瑞院使。兼前職。天曆元年。秋九月。有戰功。二年授雲需總管府達魯花赤。

### 虞璠妻郎氏

宋楊誠齋集大宜人郎氏墓誌銘。慶元六年五月八日。小男幼與歸自中都。因問昔同朝故人。

今在列者幾人。抑有未忘老朽者否。幼與首出朝。請大夫太常少卿虞公書二札。其一問暄涼。訪生死。寄藥物。其一則曰。儔不天。喪所恃。璠七年矣。而未有以焯諸幽。夙夜祇懼。無以詔孫子。諗將來。俾母德其理。厥辜誰歸。託契不淺。言立而傳。微執事疇控焉。有朝散大夫尚書吏部待中林公湜之狀在。某敬再拜序而銘。旃。太宜人郎氏。寧國府寧國縣人。父侗。鄉先生也。太宜人生而靜專。先生特異之。嘗曰。此女類我。雖貧不以妻凡子。故朝散郎虞公璠先生忘年友也。遂歸之。太宜人既自忘其外家之貧。朝散公亦自覺其婦德之富。君子謂郎先生善於擇壻。朝散公慶於宜家。兩族有煒州里儀之。太宜人事姑孝。姑嘗寢疾。適免乳且哺子。且執事于膳。于藥。匪躬弗置。匪嘗弗進。姑見其勤。諭遣之曰。汝自須人扶。吾小愈。毋久汝苦。



太宜人曰。敬諾然終不斯須離也。既亡。春秋祭祀之日。鷄初鳴。急起盥漱。滌豆籩。具牲酒。皆出其手。既秩既蠲。而家人有未知者。如是者。終其身。朝散公每觀書至夜分而歸。太宜人逆之闥右。如大賓大客。肅雍莊栗。慈撫諸子。每見朝散公。義方嚴甚。從容言曰。兒誠嗜學。彼自勤勵。頓督過之。將無傷恩。遇下以寬。有過。夫未嘗笞罵。又為之開釋。一家之中。上無下急。下無齋咨。朝散公平日詩酒為樂。客至必取其車轄投井中。標從者出之門外。禁毋得歌驪駒。於是卧尊壘。飛琰竿。投壺奕碁。賡酬詩句。大笑為樂。不極驩不止。太宜人既不憚煩。且為備先具。以待不時之須。是以朝散公益得以交天下名勝。至於家人燕集。絲竹間作。則獨凝然危坐。若不聞者。一坐肅然。平居似不能言。時發一語。理盡而氣和。每謂婦有長舌。雖厲之階。多言祇以賈禍。其子儔。自監察御史。按刑湖南。孝宗皇帝以太宜人春秋高。改使浙東四明關守。復命兼攝繡衣玉節。導迎板輿。翟茀朱幘。暉映行路。往來千巖十洲之間。每至登臨勝處。芝蘭誦誥。冠蓋欣欣。綠服後先。上千歲壽。士夫豔之。半歲。御史得郡九江。諸子恐動老人之念。不敢言。既而聞之。喜曰。吾久矣。動歸興。今得過家。天賜也。既歸。會親戚諸姥之高年者。杯酒接歡。恩意周洽。家有名園。日涉其間。御史承迎母心。欲求為祠官以

便色養。遽以疾捐館。紹熙三年九月二十四日也。臨絕湛然。享年八十五。太宜人生長儒素。歸大家。見其子冠豸為部使者。又以高宗慈福慶恩三封。至太宜人。人謂貧富異觀。貴賤易志。而自奉甚薄。自視甚平。一毫不怵其心。御史嘗諭同院御史林公浚曰。吾母雖當燕衎。未嘗不勉儔以名節。常懼無以稱塞。人見御史立朝。以直言見排。居外以振職左遷。皆避御史。不知家有師也。晚耽釋氏書。風雨不渝。清晨未嘗茹葷。蓋五十年云。諸孤以五年正月壬午。祔于西山。實于朝散公之墓。從治命也。男五人。价。仲儔。佃。倬。仲迪。功郎。新黃州黃陂縣主簿。倬以鄉貢進士入太學。前卒。女四人。俱嫁士人。令惟季在。孫男六人。衡。術。衡。術。衡。術。衡。術。國子進士。衡。迪。功郎。新鎮江府丹陽主簿。女七人。曾孫男六人。燾。餘未名。女一人。銘曰。朝散造家。相維淑嬪。奉常蹇躬。匪師它人。奉常何師。萱堂老椿。帝曰。此母。是生鯁臣。予狄汝服。予錦汝綸。若節春秋。壽觴其芬。九齡有開。言歸其真。有西者山。有歸者墳。雨葉而根。禔厥子孫。

## 朱甲妻郎氏

元史湖州安吉縣人。宋進士朱甲妻也。朱嘗仕。朱甲妻郎氏。從至元間。朱歿。郎氏護喪還。至玉



山里留居避盜。勢家柳氏欲強聘之。即誓不從。夜弃裝奉樞遁。柳邀之中道。復死拒得免。家居養姑甚謹。姑嘗病。即禱天。剗股肉進啖而愈。後姑喪。以哀聞。大德十一年。旌美之。

永樂大典卷之七千三百二十九



重錄總校官侍郎臣高拱

學士臣陳以勤

分校官修撰臣諸大綬

寫書官評事臣李中

國點監士臣林汝松

臣董仲輅